



Publicaziuns dalla vischnaunca, jamna 30

Damondas da baghegiar

2024-1063.000

Datum dalla publicaziun: 26 da fenadur 2024

Il patrun: Irene & Hans Huonder, Via Faltscharidas 1, 7180 Disentis/Mustér
Representanza: huonder bisquolm architects sa, Via da Scola 18, 7180 Disentis/Mustér
Intenziun: Construcziun nova d'ina casa d'ina famiglia
Parcella: 1733
Adressa: Via Faltscharidas 1, 180 Disentis/Mustér
Zona: Zona da habitar mischedada 2 (HM2)
Zona da prighel: Negina

2024-1056.000

Datum dalla publicaziun: 26 da fenadur 2024

Patruna: Giuanna Manetsch-Sialm, Via Alpsu 8, 7180 Disentis/Mustér
Representanta: Giuanna Manetsch-Sialm, Via Alpsu 8, 7180 Disentis/Mustér
Intenziun: Midada d'intent el senn dil dretg funsil puril
Edifeci nr.: 721C / 721E / 721F
Parcella: 2327 / 2329 / 2552 / 3633
Adressa: Caischavedra 9, 7180 Disentis/Mustér
Zona: Zona agricola (A) & Zona pil sport d'unviern (T)
Zona da prighel: Negina

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2024-1041.000

Adrian e Michaela Huonder, Via Fontauna 4, 7180 Disentis/Mustér; sanaziun totala ed engrondaziun dalla casa d'ina famiglia, parcella 1208, Gassa da Cuoz 29, 7186 Segnas.

Nr. 2024-1042.000

Markus Maissen, Staldenstrasse 58, 3920 Zermatt; installaziun d'ina nova pompa da calira d'aria e niev indrez fotovoltaic sin tetg casa, parcella 45, Via Salez 19, 7186 Segnas.

Nr. 2024-1048.000

Guido Flepp, Via Clavaniev 3, 7180 Disentis/Mustér; niev stabiliment fotovoltaic vid la fatschada dil baghetg d'economia, parcella 1426, Via Clavaniev 7, 7180 Disentis/Mustér.

Uffeci da baghegiar Disentis/Mustér



Referendum facultativ

A caschun da sia seduta dils 20 da zercladur 2024 ha il cussegl da vischnaunca approbau cun 9 encunter 3 vuschs (2 abstenziuns) la revisiun parziala dalla lescha davart ils dis da ruaus publics. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Suprastonza communal

Adatg!

Scumandau d'envidar fiugs artificials

Per motivs dil schurmetg digl ambient e dils animals eis ei sigl entir intschess dalla vischnaunca da Mustér scumandau duront igl entir onn da barschar fiugs artificials che caschunan canera (rachetas etc.). Il scamond ei reglaus en art. 7 dalla lescha davart ils dis da ruaus publics.

Suprastonza communal

Revisiun totala dalla planisaziun locala

Cuntinuaziun dalla procedura da cooperaziun Exposiziun publica;

En applicaziun digl art. 13 dall'ordinaziun cantunala davart la planisaziun dil territori pil cantun Grischun (OPTGR) ha liug l'exposiziun publica da cooperaziun per ina revisiun totala dalla planisaziun locala dalla vischnaunca da Disentis/Mustér.

Object:

Revisiun totala dalla planisaziun locala «territori habitau e lescha da baghegiar»

Acts d'exposiziun:

- Lescha da baghegiar
- Plan da zonas e plan general da formaziun 1:2000 Acletta/Funs, Disentis/Mustér, Faltscharidas, Segnas, Buretsch, Peisel, Cuoz, Mumpé Medel, Clavaniev
- Plan da zonas e plan general da formaziun 1:2000 Disla, Cavardiras, Pardomat Dadens, Madernal, Mumpé Tujetsch

Annexa:

- Rapport da planisaziun

Termin da publicaziun per la revisiun dalla planisaziun locala:

60 dis naven dils **21 da zercladur** entochen ils **20 d'uost 2024**

Liug e temps d'exposiziun:

online www.mitwirken-disentis.ch ni en casa communal, Via Cons 2, 7180 Disentis/Mustér (stanza nr. 01/ plaunterren), duront las uras da spurtegl. Propostas motivadas per midar ni completar ils mieds da planisaziun ein da far a scret entochen ils 20 d'uost 2024 sin www.mitwirken-disentis.ch ni a scret alla suprastonza communal, Via Cons 2, 7180 Disentis/Mustér (datum dil bul postal).

Audienzas concernent la planisaziun locala

En connex cun l'exposiziun da cooperaziun porscha la vischnaunca ensemen cun la planisadra uras d'audienza. A caschun da quellas uras d'audienza eis ei pusseivel da tschentar damondas specificas concernent igl agen schischom.

- Venderdis, ils 9 d'uost 2024, denter las 14:00 e las 20:00
- Sonda, ils 10 d'uost 2024, denter las 08:00 e las 11:50 e denter las 13:00 e las 17:00
- Venderdis, ils 16 d'uost 2024, denter las 09:30 e las 12:00 e denter las 13:20 e las 16:00



Per las audiencias eis ei da fixar silmeins treis dis ordavon in termin cun l'administraziun communal, **tel. 081 920 36 36**. Per mintga audienza ei reservau in temps da maximalmein 30 minutas. Ils termins vegnan fixai en successiun dall'annunzia.

Suprastonza communal Disentis/Mustér

Administraziun communal

Fiasta naziunala

Gievgia, igl 1. d'uost 2024 resta l'administraziun communal serrada igl entir di. Nus survin Vus bugen puspei naven da venderdis durant ils temps d'avertura usitai.

Bien engraziament per Vossa capientscha.

Administraziun communal

Fiasta digl 1. d'uost a Mustér

La fiasta digl 1. d'uost ha liug sil plaz avon la casa communal, en cass da malaura en halla Cons. La festivatad entscheiva allas 18.00 e cuoza entochen allas 24.00. Ei beneventa Vus nies president communal René Epp. Carmelia Maissen, cussegliera guvernativa dil cantun Grischun salva il plaid festiv.

Sedrun Disentis Turissem offerescha in aperitiv, sunter vegn purschii tratgas sco era specialitads dil gril. Plinavon dat ei musica da divertiment cun il Duo Desertina, cun Dario Hess, ina presentaziun dall'Uniuon da gimnastica CADI - gruppa acrobatica MOVIS e cun ils Sunatibas Postabiala da Sumvitg.

Sco usitau dat ei in til da lampiuns pils affons (lampiuns vegnan mess a disposiziun gratuitamein).

Per dar ina speciala tempru a nossa fiasta naziunala fuss ei bi, sch'igl entir vitg vegness embellius cun bandieras e lampiuns. ENGRAZIEL!

Nus selegrein d'astgar beneventar Vus alla fiasta naziunala.

Vischnaunca Disentis/Mustér

1. August-Feier in Disentis

Die 1. August-Feier findet auf dem Platz vor dem Gemeindehaus statt, bei schlechtem Wetter in der Halle Cons. Die Feier beginnt um 18.00 Uhr und dauert bis 24.00 Uhr. Es begrüsst Sie unser Gemeindepräsident René Epp. Die Festansprache hält dieses Jahr Carmelia Maissen, Regierungsrätin des Kantons Graubünden.

Nach dem von Sedrun Disentis Tourismus offerierten Apéro bietet die Festwirtschaft verschiedene kulinarische Spezialitäten sowie Feines vom Grill an. Ferner unterhalten Sie das Duo Desertina, Dario Hess, die Show des Turnvereins CADI - Akrobatikgruppe MOVIS und die Alphornbläser Postabiala aus Sumvitg.

Wie üblich gibt es auch dieses Jahr einen Laternenumzug für die Kinder (Laternen werden gratis zur Verfügung gestellt).

Um unserem Nationalfeiertag eine spezielle Note zu verleihen, freuen wir uns, wenn das ganze Dorf geschmückt bzw. beflaggt wird. Vielen Dank!

Wir freuen uns, Sie an unserer Feier begrüßen zu dürfen.

Gemeinde Disentis/Mustér



Controla da habitonts

Mortori

Gion Giusep Andriuet-Randegger, naschius ils 4 da matg 1950, morts ils 19 da fenadur 2024

Administraziun communal

Messa alpestra Alp Pazzola

Dumengia, ils 4 d'uost 2024 allas 11.00

Silsuenter dat ei la pusseivladad da gentar pulenta e grill. Access pusseivels mo cun lubientscha da carrar dalla vischnaunca da Medel/Lucmagn. Lubientschas gratuitas per quei di san vegnir retratgas tier il spartavias a Mutschnengia denter las 9.00 e las 10.30.

Cordialmein envidan

ils pursanavels dall'alp Pazzola

Messa alpestra Alp Russein

1. d'uost 2024, messa allas 11.30. Per quei di ei la via aviarta per tut il trafic.

Cordialmein envida

ils pursenavels dal'alp Russein e Cavrein

Preavis SENIORA-CA

L'emprema sentupada suenter las vacanzas: **venderdis, ils 16 d'uost 2024** allas 13.45. Invitaziun suonda en ina jamna. Per damondas dat Linus Maissen, 079 423 01 37, bugen sclariment.

Team SENIORA-CA

Uniun la pendent

Neu e mira la fasinaziun da Highline!

Ils 27 e 28 da fenadur vegn ina gruppa d'entusiasts da Highline a stender las empremas sugas sur la val da cufions e balantschar suravi. Sonda ils 27 da fanadur einvidein nus cun gril allas 12.00 tochen las 20.00 da star ensemen ed mirar quei spectachel unic a Mustér. Eis era dalla partida a S. Gada?

Komm und erlebe die Faszination der Highline!

Am 27. und 28. Juli wird eine Gruppe von Highline-Enthusiasten die ersten Seile zwischen den Widerlagern der Hängebrücke la pendent spannen und über sie balancieren. Am Samstag, den 27. Juli, laden wir euch herzlich ein, von 12.00 bis 20.00 Uhr gemeinsam zu grillieren und dieses spektakuläre Event zu genießen. Bist du dabei in S. Gada?
